

Na osnovu člana 145. Poslovnika Općinskog vijeća ("Sl.glasnik općine Bihać", 8/05), Općinsko vijeće općine Bihać na sjednici održanoj 28.06.2006.godine , d o n o s i :

Z A K L J U Č A K
o prihvatanju i stavljanju na javnu raspravu
Nacrta Odluke o nazivima ulica i trgova na
području općine Bihać

Član 1.

Prihvata se Nacrt Odluke o nazivima ulica i trgova na području općine Bihać

Član 2.

Nacrt Odluke o nazivima ulica i trgova na području općine Bihać stavit će se na javnu raspravu objavom u sedmičnom listu Unsko-sanske novine "Krajina", dostavom mjesnim zajednicama i uvidom zainteresiranim pravnim i fizičkim licima u Službi prostornog uređenja i komunalnih djelatnosti Općine Bihać.

Član 3.

Javna rasprava o Nacrtu Odluke o nazivima ulica i trgova na području općine Bihać trajat će 7 dana od objave u Unsko-sanskim novima "Krajina". Način provođenja javne rasprave utvrdit će Radna grupa za provođenje javne rasprave.

Završna javna rasprava održat će se u Vijećnici općine Bihać dana 14. 07. 2006. godine sa početkom u 16 sati.

Završnu javnu raspravu provest će Radna grupa u sastavu: predsjedavajući Općinskog vijeća, Komisija za izmjenu naziva ulica i trgova Općinskog vijeća općine Bihać i predstavnici Službe prostornog uređenja i komunalnih djelatnosti.

Član 4.

Primjedbe i sugestije na Nacrt Odluke, u trajanju javne rasprave , mogu se iznijeti Radnoj grupi za provođenje javne rasprave putem Službe prostornog uređenja i komunalnih djelatnosti , pismeno ili usmeno na završnoj javnoj raspravi.

Član 5.

Predlagač će, uzimajući u obzir primjedbe i sugestije iznesene na Nacrt Odluke na 25. sjednici Općinskog vijeća i sadržane u Izvještaju Radne gupe utvrditi prijedlog Odluke o nazivima ulica i trgova na području općine Bihać i uputiti ga Općinskom vijeću na razmatranje i usvajanje ,te obrazložiti razloge zbog kojih neki od prijedloga, mišljenja i sugestija sadržanih u Izvještaju Radne gupe nisu prihvaćeni.

Član 6

Ovaj Zaključak će se objaviti u "Sl. glasniku općine Bihać".

Broj:02-02-5717/06
Datum: 28.06.2006. godine

PREDSJEDAVAJUĆI OV-em
Ivan Prša